



EEU

ინტერდისციპლინური კვლევების
ცენტრის დებულება

თავი I. ზოგადი დებულებები

მუხლი 1. ზოგადი დებულებები

- 1.1. წინამდებარე დებულება განსაზღვრავს შპს „აღმოსავლეთ ევროპის უნივერსიტეტი“ (შემდგომში – უნივერსიტეტი) კვლევითი ერთეულის – ვარლამ ჩერქეზიშვილის სახელობის ინტერდისციპლინური კვლევების ცენტრის (შემდგომში – ცენტრი) სამართლებრივ სტატუსს, საქმიანობის მიზნებს, უფლებამოსილებას, ფუნქციებს, მართვას, სტრუქტურასა და ცენტრის საქმიანობასთან დაკავშირებულ სხვა საკითხებს.
- 1.2. ცენტრი წარმოადგენს უნივერსიტეტის სტრუქტურაში შემავალ კვლევით ერთეულს, რომელიც თავის საქმიანობას წარმართავს საქართველოს საკანონმდებლო და კანონქვემდებარე სამართლებრივი აქტების, წინამდებარე დებულების, უნივერსიტეტის დებულებისა და სხვა შიდა სამართლებრივი აქტების შესაბამისად.
- 1.3. ცენტრი ანგარიშვალდებულია უნივერსიტეტის რექტორისა და სამეცნიერო საკითხებში ვიცე-რექტორის წინაშე.

თავი II. ცენტრის საქმიანობის მიზნები, უფლებამოსილება და ფუნქციები

მუხლი 2. ცენტრის საქმიანობის მიზნები

- 2.1. ცენტრის საქმიანობის მიზნებია:
 - ა) ინტერდისციპლინური სამეცნიერო-კვლევითი პროექტების შემუშავება და განხორციელება;
 - ბ) უნივერსიტეტის სამეცნიერო-კვლევითი საქმიანობის ინტერნაციონალიზაციაში საკუთარი წვლილის შეტანა;
 - გ) ინტერდისციპლინურ სამეცნიერო-კვლევით პროექტებში აკადემიური პერსონალისა და სტუდენტთა ჩართულობის მხარდაჭერა.

მუხლი 3. ცენტრის ფუნქციები და ამოცანები

- 3.1. დასახული მიზნების მისაღწევად ცენტრი ასრულებს შემდეგ ფუნქციებსა და ამოცანებს:
 - ა) ცენტრის ბაზაზე გეგმავს და ახორციელებს ინტერდისციპლინურ სამეცნიერო-კვლევით პროექტებს, მათ შორის საქართველოს და საზღვარგარეთის უნივერსიტეტებთან/სამეცნიერო ინსტიტუტებთან თანამშრომლობით;

- ბ) სთავაზობს უნივერსიტეტის აკადემიურ პერსონალსა და სტუდენტებს ცენტრის მიერ დაგეგმილ ინტერდისციპლინურ სამეცნიერო-კვლევითში პროექტებში მონაწილეობას;
- გ) გამოსცემს სამეცნიერო-კვლევით ნაშრომებს (მონოგრაფიებს, სამეცნიერო კრებულებს, ჟურნალებს და ა. შ.);
- დ) ორგანიზებას უწევს ინტერდისციპლინური სამეცნიერო კონფერენციების, ვორკშოპების, სემინარების ჩატარებას;
- ე) ატარებს საჯარო ლექციებს, ტრენინგებსა, სემინარებს, დისკუსიებს და სხვადასხვა საგანმანათლებლო სახის აქტივობებს;
- ვ) მონაწილეობს უნივერსიტეტის სამეცნიერო-კვლევითი სტრატეგიის შემუშავება-განვითარების პროცესში;
- ზ) თანამშრომლობს უნივერსიტეტის სამეცნიერო კვლევების განვითარების დეპარტამენტთან.

მუხლი 4. ცენტრის უფლებამოსილება

4.1. დაკისრებული ფუნქციებისა და ამოცანების სრულფასოვნად შესრულების მიზნით ცენტრი უფლებამოსილია:

- ა) კომპეტენციის ფარგლებში ითანამშრომლოს ადგილობრივ, უცხოურ და საერთაშორისო აკადემიურ, სამეცნიერო-კვლევით და სხვა პროფილის დაწესებულებებთან;
- ბ) მონაწილეობა მიიღოს ადგილობრივი, უცხოური და საერთაშორისო სამეცნიერო გრანტების კონკურსებში;
- გ) დამოუკიდებლად მოიპოვოს დაფინანსება, მიიღოს დახმარება და შემოწირულობა;
- დ) მოითხოვოს უნივერსიტეტის ბიუჯეტიდან სახსრების გამოყოფა;
- ე) მიმართოს უნივერსიტეტის სტრუქტურაში შემაჯალ ერთეულებსა და თანამშრომლებს და გამოითხოვოს მათგან ინფორმაცია უნივერსიტეტში დადგენილი წესის შესაბამისად;
- ვ) ისარგებლოს უნივერსიტეტის ინფრასტრუქტურით, ინვენტარითა და სხვა ქონებით უნივერსიტეტში დადგენილი წესის შესაბამისად;
- ზ) განახორციელოს სამეცნიერო-კვლევით საქმიანობასთან დაკავშირებული დამხმარე საქმიანობა;
- თ) ჰქონდეს საკუთარი ლოგო და ვებ-გვერდი;
- ი) განახორციელოს მოქმედი კანონმდებლობითა და უნივერსიტეტის შიდა სამართლებრივი აქტებით მინიჭებული სხვა უფლებამოსილებები.

თავი III. ცენტრის მართვა, სტრუქტურა და პერსონალი

მუხლი 5. ცენტრის მართვა

- 5.1. ცენტრის საქმიანობას წარმართავს ხელმძღვანელი, რომელსაც თანამდებობაზე ნიშნავს და ათავისუფლებს უნივერსიტეტის რექტორი.
- 5.2. ცენტრის ხელმძღვანელი ანგარიშვალდებულია უნივერსიტეტის რექტორისა და სამეცნიერო საკითხებში ვიცე-რექტორის წინაშე.
- 5.3. ცენტრის ხელმძღვანელის დროებით არყოფნის ან პოზიციაზე ვაკანსიის არსებობის შემთხვევაში მის მოვალეობას ასრულებს ვიცე-რექტორი სამეცნიერო საკითხებში ან უნივერსიტეტის რექტორი იღებს გადაწყვეტილებას მოვალეობის შემსრულებლის დანიშვნის შესახებ.

მუხლი 6. ცენტრის სტრუქტურა და პერსონალი

- 6.1. ცენტრის შემადგენლობაში შედიან მკვლევრები და სპეციალისტები, რომლებსაც თანამდებობაზე ნიშნავს და ათავისუფლებს უნივერსიტეტის რექტორი.
- 6.2. ცენტრის სრულფასოვანი ფუნქციონირებისთვის შესაძლებელია მის შემადგენლობაში ხელშეკრულების საფუძველზე მოწვეულ იქნენ შესაბამისი კომპეტენციისა და რაოდენობის სამეცნიერო და დამხმარე პერსონალი.
- 6.3. ცენტრის თანამშრომლები ანგარიშვალდებულნი არიან ცენტრის ხელმძღვანელის წინაშე.
- 6.4. ცენტრის თანამშრომელთა ფუნქცია-მოვალეობები განსაზღვრულია მათთან გაფორმებული შრომითი ხელშეკრულებით.

მუხლი 7. ცენტრის ხელმძღვანელის ფუნქცია-მოვალეობები

- 7.1. ცენტრის ხელმძღვანელი:
 - ა) ხელმძღვანელობს და წარმართავს ცენტრის საქმიანობას;
 - ბ) პასუხისმგებელია ცენტრის ფუნქციებისა და ამოცანების შესრულებაზე;
 - გ) ანაწილებს ფუნქციებს ცენტრის თანამშრომლებს შორის, აძლევს მათ შესაბამის მითითებებსა და დავალებებს;
 - დ) აკონტროლებს ცენტრის თანამშრომელთა მიერ ფუნქციებისა და დავალებების შესრულებას;
 - ე) ისმენს ანგარიშს თანამშრომლებისგან მათ მიერ შესრულებული სამუშაოს შესახებ;
 - ვ) საკუთარი კომპეტენციის ფარგლებში ხელს აწერს ცენტრში მომზადებულ დოკუმენტებს;
 - ზ) ანაწილებს ცენტრში შემოსულ კორესპონდენციას;

- თ) ცენტრის საქმიანობის შესახებ ანგარიშს წარუდგენს ვიცე-რექტორს სამეცნიერო საკითხებში (ასევე, მოთხოვნის შემთხვევაში, – რექტორს) არანაკლებ წელიწადში ერთხელ, აკადემიური წლის ბოლოს და/ან მოთხოვნისამებრ;
- ი) ვიცე-რექტორს სამეცნიერო საკითხებში (ასევე, საჭიროების შემთხვევაში, – რექტორს) წარუდგენს წინადადებებს ცენტრის სტრუქტურის, შტატების, მუშაობის ორგანიზაციის, თანამშრომელთა წახალისების ან დისციპლინური პასუხისმგებლობის დაკისრების შესახებ;
- კ) ცენტრის სახელით მონაწილეობს უნივერსიტეტის სამეცნიერო-კვლევითი სტრატეგიის შემუშავება-განვითარების პროცესში;
- ლ) პასუხისმგებელია სამეცნიერო კვლევების განვითარების დეპარტამენტისა და უნივერსიტეტში დადგენილი წესის შესაბამისად სხვა სტრუქტურული ერთეულების მიერ გამოთხოვილი ინფორმაციის მიწოდებაზე;
- მ) შუამდგომლობს ცენტრის თანამშრომელთა კვალიფიკაციის ამაღლებისა და გადამზადების თაობაზე;
- ნ) თავისი კომპეტენციის ფარგლებში ცენტრის სახელით გასცემს დასკვნებს;
- ო) მინიჭებული უფლებამოსილების ფარგლებში წარმოადგენს ცენტრს მესამე პირებთან ურთიერთობაში;
- პ) ახორციელებს მოქმედი კანონმდებლობითა და უნივერსიტეტის შიდა სამართლებრივი აქტებით მინიჭებულ სხვა უფლებამოსილებებს.

თავი IV. ცენტრის ქონება და ფინანსები

მუხლი 8. ცენტრის ქონება

8.1. ცენტრს, მასზე დაკისრებული ფუნქციებისა და ამოცანების შესრულების მიზნით, შესაძლებელია უნივერსიტეტისგან სარგებლობაში გადაეცეს უძრავ-მოძრავი ქონება, ინვენტარი და სხვა მატერიალურ-ტექნიკური საშუალებები, რომელიც წარმოადგენს უნივერსიტეტის საკუთრებას.

8.2. ცენტრის საქმიანობის შედეგად შექმნილი ინტელექტუალური და მატერიალური ფასეულობები წარმოადგენს უნივერსიტეტის საკუთრებას.

მუხლი 9. ცენტრის დაფინანსება

9.1. ცენტრის დაფინანსების წყაროებია:

- ა) უნივერსიტეტის ბიუჯეტი;

- ბ) სამეცნიერო გრანტები;
- გ) კვლევის შედეგებისა და სხვა სახის სამეცნიერო-კვლევითი საქმიანობის კომერციალიზაციით მიღებული შემოსავლები;
- დ) დახმარებები და შემოწირულობები;
- ე) საქართველოს კანონმდებლობითა და უნივერსიტეტის შიდა სამართლებრივი აქტებით დაშვებული სხვა შემოსავლები.

9.2. ცენტრის მიერ მიღებული სახსრები და სხვა შემოსავლები მთლიანად ხმარდება ცენტრის მიზნებისა და ფუნქციების შესრულებას და დაუშვებელია მათი სხვა მიზნით გამოყენება.

თავი V. დასკვნითი დებულებები

მუხლი 10. ცენტრის რეორგანიზაცია და ლიკვიდაცია

10.1. ცენტრის რეორგანიზაცია და ლიკვიდაცია ხდება უნივერსიტეტის შიდა სამართლებრივი აქტებით დადგენილი წესის შესაბამისად.

მუხლი 11. დებულების დამტკიცება, ცვლილებების შეტანა, ძალადაკარგულად გამოცხადება

11.1. წინამდებარე დებულებას ამტკიცებს უნივერსიტეტის წარმომადგენლობითი საბჭო.

11.2. წინამდებარე დებულებაში ცვლილებები შეაქვს და მას ძალადაკარგულად აცხადებს უნივერსიტეტის წარმომადგენლობითი საბჭო.